



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De episcopo sinitro rumore asperso, per sacramentum aurem, & purgato,
& absoluto. cxciiii.

urn:nbn:de:hbz:466:1-10722

peccatoribus potestas, qua sanctos ipsius persequantur, ut qui spiritu Dei iuantur & aguntur, fiant per laborum exercitia clariores. Illi tamen qui hoc agunt, nullatenus euadent poenam, quia ut ait dominus, Væ illi per quem scandalum venit. Et quanquam iuxta saluatoris sententiam necesse sit venire scandala, væ tamen per quem veniunt. De occultis etiam cordis alieni temerè iudicare peccatum est, & cum, cuius non videntur opera nisi bona, iniquum est ex suspitione reprehendere: cum eorum quæ homini sunt incognita, solus Deus iudex sit iustus inspector & verus. Unde scriptum est: Incerta non iudicemus quoadusque veniat dominus, qui & illuminabit abscondita tenebrarum, & manifestabit consilia cordium. Et quamuis vera sint, non tamen credenda sunt, nisi quæ certis iudiciis comprobantur, nisi quæ manifesto iudicio conuincuntur, nisi quæ iudiciali ordine publicantur. Nullus ergo potest humano condemnari examine, quem Deus suo iudicio reseruabit. Hæc omnia summoperè sunt præcauenda, ne præsumptores esse videamur.

Vt sacerdotes domini, sicut vulgus facere solet, indicare præsumant, vel compellantur. Cap. CXCIII.

Sacramentum autem hætenus ab episcopis & reliquis Sordinibus exigi, nisi pro fide recta, minimè cognouimus, nec spontè eos iurasse reperimus. Summoperè ergo sanctus Iacobus apostolus prohibens sacramentum loquitur dicens: Ante omnia fratres mei nolite iurare, neque per cælum, neque per terram, neque per aliud quodcumque iuramentum. Sit autem sermo vester, est, est, non, non: ut sub iudicium non decidatis.

De episcopo sinistro rumore asperso, per sacramentum autem & purgato & absoluto. Cap. CXCIII.

HABET HOC PROPRIUM antiqui hostis inuidia, ut quos in prauorum actuum perpetrati- nem, Deo sibi resistente, decipere non valet, opiniones eorum falsa ad præsens simulando dilaceret. Quoniam igitur quædam contra sacerdotale propositum de Leone fratre & coepiscopo nostro sinister rumor asperferat, utrum vera essent, districta diutius fecimus inquisitione perquiri, & nullam in eo de his quæ fuerant dicta culpam

*Ex decretis
Cornelii
pape.*

*Ex re. ad
Iustinum
imperat.
c. 107. 6.*

inuenimus. Sed ne quid videretur omissum nostro potuisset cordi dubium remanere, ad beati Petri sacratissimum corpus districta eum ex abundanti fecimus sacramenta præbere. Quibus præstitis, magna sumus exultatione gauisus, quod huiusmodi innocetia eius euidenter enituit. Pro qua re gloria vestra prædictum virum cum omni charitate suscipiat, reuerentiam ei qualem sacerdoti decet exhibeat, nec quædam cordibus remaneat, de his quæ iam sunt purgata, dubietas. Et ita superscripto vos episcopo deuotissimè oportet in omnibus adhærere, vt congruè decenterq; Deum in eius persona videamini, cuius minister est, honorare.

Correctio episcopi qui concubinam habuit. Cap. CXC.

*Ex regi.
Gregorii
pape ad
Andream
episcop.
Tarantin.
cap. 179*

TRibunal iudicis æterni securus aspiciet, quisquis reatus sui conscius digna eum modò pœnitentia placare contendit. Habuisse te siquidem concubinam manifesta veritate comperimus, de qua etiam contraria est quibusdam nata suspicio. Sed quia in rebus ambiguis absolutum non debet esse iudicium, hoc tuæ conscientia elegimus committendum. Qua de re si in sacro ordine constitutus, eius te permixtione esse recolis maculatum, sacerdotij honore deposito, ad ministrandum nullo modo præsumas accedere, sciturus in animæ tuæ periculo ministrare, & Deo nostro te sine dubio reddere rationem, si huiusmodi sceleris cōsciis, in eo quo es ordine calans veritatem permanere volueris. Vnde iterum adhortamur, vt si te deceptum hostis antiqui calliditate cognoscis, competentem eum dum licet pœnitentia superare festines: ne cum eo particeps, quod non optamus, in die iudicij deputeris. Si verò huius reatus tibi conscius non es, in eo te necesse est quo es ordine permanere. Præterea quoniam mulierem de matriculis contra ordinem sacerdotii cædi crudeliter sustibus deputasti, quam licet post octo menses, exinde minimè arbitremur fuisse defunctam, tamen quia ordinis tui habere noluisti respectum, propterea duobus te mensibus ab administratione Missarum statuimus abstinere. In quibus ab officio tuo suspensum, flere te conuenit quod fecisti. Nam valde dignum est, vt postquam te ad vitæ istius tranquillam rectitudinem laudabilium sacerdotum exempla non prouocant, saltem correctionis medicina compellat.